

大丹亦如璇璣復建於子比十二爻周於一月晦而至朔朔則屆爽初陽再動於復卦矣故云故無常位為易之宗祖也

爻變功用章第十九

朔旦為復陽炁始通出入無疾立表微剛黃鍾建子兆乃滋彰播施柔暖黎蒸得常臨爐施條開路正光光耀漸進日以益長丑之大呂結正低昂仰以成泰剛柔並隆陰陽交接小往大來輻輳於寅運而趨時漸歷大壯俠列卯門榆莢墮落還歸本根刑德相負晝夜始分夫陰以退陽升而前洗濯羽翮振索宿塵乾健盛明廣被四隣陽終於巳中而相干姤始紀序履霜最先井底寒泉午為雜賓賓伏於陰陰為主人遯世去位收斂其精

道藏輯要

參同契 上陽子注

冕

虛集三 大上八

懷德俟時棲遲昧冥否塞不通萌者不生陰伸陽屈沒陽姓名觀其權量察仲秋情任畜微稚老枯復榮薺麥芽孽因言以生剝爛肢體消滅其形化炁既竭亡失至神道窮則返歸乎坤元恆順地理承天布宣元幽遠渺隔閼相連應度育種陰陽之元寥廓恍惚莫知其端先迷失軌後為主君無平不陂道之自然變易更盛消息相因終坤復始如循連環帝王承御千載常存上章言一月晦朔弦望採煉成丹之象此章比一年十二月功行之象其初得丹比為復卦復者一陽伏五陰也聖賢攸行此道則超凡入聖邪人若行此道則失命而喪身文王故曰朋來無咎返覆其道七日來復利有攸往朋來者有朋自

遠方來也無咎者有益而無損也返覆其道者用易之道也
顛倒而行也七日來復者月隱其光七日再吐亦猶人經
動七日而陽初生利有攸往者善進而無失東京賦云日月
會於龍躔者躔音關尾星也謂陽將復孔子曰復其見天地之心乎
世人不知天地之心老子號此心爲元牝之門雲房指此心
爲生門死戶易曰雷在地中復先王至曰閉關商旅不行后
不省方雷乃剛陽地乃柔陰以剛陽在柔陰之中復彼先天
之炁先王至此日行此道則閉關而不省方得專心而致志
商旅者雜泛也不行者當絕其雜泛之事專行其道故象傳
曰不遠之復以修身也又曰中行獨復以從道也朔旦爲復

道藏輯要

參同契
上陽子注

手

虛集三
八十三

陽炁始通者聖人之心一也復者先伏而後能復也陽之始
炁出入相通且無疾害立表微剛者乾動而直也黃鍾之律
陽月建子兆者眾庶也始也庶物生此陽炁昔始滋彰播施
柔暖黎蒸得常者黎蒸之眾得復柔暖一陽之炁皆能復其
常道也上陽子曰作丹之妙其要在此切毋輕忽也學道已
得師訣須曉三關三候何也預營壇墀先採藥物既得藥物
出入相通行煉已功柔暖播施微温直透此爲初關第一候
也臨御丹爐施條接意關開道路不僭不狂分彩和光愈低
愈下大呂應丑日景漸長是爲中關第二候也大簇律臨仰
以成泰泰之爲卦地上於天陰若居上水能潤下陽居於下

火臨照上故咸之翼曰柔上而剛下二炁感應以相與止而說男下女上是以亨利貞夫五行顛倒天地成寶柔施於前繞他為主剛施於後我反為賓壯初小往牝乃大來金炁相須陽全乾體此云剛柔並隆陰陽交接是為下關第三候也漸歷大壯凝結還丹俠列卯門榆莢歸根刑德相負晝夜始分言丹之兆落在黃庭以防以養宜慎宜專夫之為卦陰以決別陽炁既回金丹懷孕乾健盛明金炁已純陽終於已運行陰符姤承乍包陽無走逸陽復得陰陰為主人坤之為化初六履霜井底寒泉陰炁下來六月為之斂精俟時否屆七月陰陽不通陰伸陽屈陽炁內明八月觀象量察秋情任畜

道藏輯要

參同契
上陽子注

卷

虛集三
X七十一

微稚若麥之蘖老枯復榮若薺之芽化炁既竭剝消其形道窮則返歸乎坤元一來一往恆順承天此書撰作深有法度或序冒頭或括結尾無冒頭者結尾括之無結尾者冒頭總之即如此章是無冒頭而以結尾括之其首句曰朔旦為復復而臨臨而泰泰而大壯壯而夬夬而乾乾而姤姤而遯遯而否否而觀觀而剝剝而坤尾卻結曰元幽遠渺隔闕相連只此兩語最為簡易元幽遠渺者陰陽二物至元極幽不可摸擬至遠極渺不可思議而其造化功倍天地隔闕相連者二物間隔動幾萬里若得黃婆以媒合之則雖至遠而至近也是以兩物應度而育種為陰陽之元聖人用之而行其道

寥廓恍惚而不足捉摸者未容度量聖人推之以逆其用也
先迷失軌後為主君者柔順利貞君子攸行先迷失道後順
得常此十翼之辭也仙翁引而詳之中言陰爲主人末曰後
爲主君皆坤之利地之道也無平不陂道之自然水之至平
瀦爲淵陂畔岸不流陂若盈科則水自汛以水喻道自然之
理變易更盛猶復至乾消息相因如姤至坤故云終坤復始
如循連環也帝王承御千載常存者若帝王能承御乾坤逆
順之道則千載之壽亦未爲多若功崇行著白日升天亦分
內事昔黃帝一世爲民修世間福再世乃得爲臣復修出世
功德三世乃得爲君遂捐天下離棄萬幾尋山水幽絕處得

道藏輯要

參同契
上陽子注

至

虛集三
八上三

鼎湖之君山煉此九還大丹丹成之後白日乘龍而上升也
按君山卽洞庭湖湖中有山因黃帝煉丹故號曰君山也

養性立命章第二十

將欲養性延命卻期審思後末當慮其先人所秉軀體本一無
元精雲布因炁託初陰陽爲度魂魄所居陽神曰魂陰神曰魄
魂之與魄互爲室宅性主處內立置鄴鄂情主營外築垣城郭
城郭完全人物乃安爰斯之時情合乾坤乾動而直炁布精流
坤靜而翕爲道舍廬剛施而退柔化以滋九還七返八歸六居
男白女赤金火相拘則水定火五行之初上善若水清而無瑕
道之形象真一難圖變而分布各自獨居類如雞子白黑相符